

寧海漫記

地240
902

部521



贈

許序

余曩閱叢書竊歎于令升負史才廼出其餘以窮搜異集
迄今讀搜神一記實足抉天地之秘而闢古今未有之奇
是以博雅君子爭寶之以爲枕中籍雖然秦女金梳穆王
華表諸如此事率不免於荒誕不經之譏殆亦鄭還古博
異志之類而不足爲後人之所徵信也今年秋甯海學士
干君人俊偶來秉鐸天台中學一日者出其平生撰著寧
海漫記一書以示余并令余序之余自分不才奚能爲一
詞之贊然而書也網羅散失之舊聞追維有宋以來鄉
先達之遺徽文學如舒閩風高尙如劉樗園氣節如葉夢

甯海漫記卷一

序

鼎方孝孺胡三省諸公一一詳誌之不敢或遺又旁及夫
風土人情山川形勝以迄各地物產之饒他日者或更有
曹學程宋奎元崔秉鏡其人者並起而重修邑志徵文攷
獻將於是在乎在正不僅如搜神一記供博雅君子之摩挲
已也則寧海漫記之作夫豈徒然哉於戲干氏多才若今
干君者殆足與古今升後先爭光矣抑余又有說干君績
學士也少有文譽經復旦大學文學院畢業後所造益深
而於詩學尤邃所著盤溪草章太史一山先生爲之序稱
爲後起之秀故記中所採騷人墨客之題詠頗多而其間
不乏蘊藉風流之作亦庶幾十五國風之遺其足以供採

風使者輜軒之錄何限則卽謂于君甯海漫記一書與志乘相表禮也亦誰得以爲不然而于君猶以漫記名之者此特于君自謙之詞不欲顯以著作家自居要之其實又焉能泯也哉

天台拙生許尊賢撰

袁序

鄉土之有志也舊矣官書而外名家之著述尙焉蓋官書拘體例所據者公牘耳或避時諱或飾承平不若名家紀載就年月聞見所及筆之於書之可信吾友

于學士世杰篤行好學士也少與余共燈火穉齒有文譽

甯海漫記

卷

二

旣畢業中學坐擁皋比旋復舍去負笈海上今畢業復且大學文學院學益淵博出其緒餘著甯海漫記一書問序於予余深慨夫吾寧僻處海濱風俗淳厚古多方正之士所據以可考者厥維縣志縣志草創於邑人教諭張公輔重修數次皆官斯土者代爲之謀吾甯先輩矩矱賴以存者不少然失修旣久無有繼而起者晚近時會變遷益亟尤不可以無紀亨不學夙有此志人俊君乃能先我而起書成受而讀之綱舉目張翔寶典則不拘匕於舊志之體例自成一家之言然搜羅加廣傳其可信視前人尤有過之不特有裨於攷方輿抑亦足資良史材料故謂之萬歷

曹學程崇禎宋奎元康熙崔秉鏡諸公重修邑志也可卽
謂之能繼武邑人張公輔首創邑志也可謹序

同學弟緱城涓六袁亨謹序於山東高等法院

施序

同事干學士人俊少負文譽稍長專攻詞章之學而其名
益盛卒業上海復旦大學文學院後萃中西文壇之精英
而其學淵博深邃茫無止境間嘗發而爲文讀之令人艷
羨不置余主辦桑梓中學有年久慕其名急欲延之來台
主講國學以期革新吾台青年之文藝思潮而一洗昔日
因循束縛之積弊皆以未得引薦之人以致遲遲未償吾

甯海漫記

卷

三

願爲憾去秋賴干學士崇甫來台秉鐸之便多方勸駕遂
以禮延之來台担任國學講座爲時未及半載而校中生
徒推崇愛戴之聲不絕於耳復取諸生所作文課而閱之
益覺諸生進步之速出人意外若干學士者豈獨一博學
能文之士而已耶抑亦國學界中不可多得之良師也曩
者余講蘇浙閩三省國立大學暨公私立中等以上各校
時所見國學教師頗多其中能以文辭鳴世者亦不乏人
然皆以獨善其身之士居多至於欲以其所學悉心傳授
生徒使諸生獲益之速如干君者殆不多觀者也干君講
學之餘常從事撰述近復以其所著甯海漫記一書示余

囑余弁其首是書取材宏博體例嚴明網羅寧邑之奇聞壯觀凡騷人墨客之遺韻其有足以有益於人心者靡不列舉無遺旁及山川形勢物產風尚法理遂密統計精新持論平而褒貶當補甯海縣志之不逮創諸書革新之體例至於文詞之秀麗尤其餘事夫以干君之不苟於著作吾知是書之出其必有裨於世道人心者豈有涯量耶故樂爲之序

民國二十二年十二月施督輝撰於天台中學

小引

民國庚午夏田居多暇日惟吟哦爲事間及鄉先輩遺唱

甯海漫記

卷

四

言存人往輒用顰眉舍學士姪崇甫語余曰吾甯歷代詩文不少散見而名家後人式微莫知保守無識者且藉以覆瓿傳鈔所存蓋百不一二焉且邑志失修已久舉凡沿革變遷風土人情亦邈無稽考曷不整理舊作用爲寧海雜誌以存掌故乎予然其說東西搜索追錄見聞得九萬餘言然沒於淞滬之後已居泰半茲僅將敝篋所有聊付抄胥存之改名甯海漫記非曰吉光片羽亦將以見老成典型云爾民國二十二年癸酉方正學先生忌辰干人俊世杰引

題辭

大著甯海漫記閱竟因思江表錄英雄襄陽傳者舊甯邑
故應有是記喜其眼光四射上下古今擇尤而存無非東
南金箭令人一見叫好是胡元瑞筆藪王阮亭詩話

天台褚傳誥謹題

讀 大作甯海漫記其庶齋叢談耶其研心雜識耶抑亦
尊鄉錄耳當此非聖蔑古國粹將亡之日而獨守缺抱殘
兢亡採輯用意固加人一等洵足以補志書之闕且備宅
日輶軒之採其有功於鄉邦文獻不尠也

癸酉夏五天台曹希璫謹識於升隱居

甯海漫記 卷

五

讀于梅園君寧海漫記題辭

鄉邦文獻敝獨障百川東簡策六經外珊瑚一網中抱殘
兼守缺挖雅復揚風寧使遺珠憾輶軒採訪同

邪說披猖日焚坑過暴羸黃鐘遭毀棄凡釜恣雷鳴耆舊
關懷切吉光集腋成讀書留種子絕學振緜城

再題一律

迹熄詩亡降國風人心一是莫誰衷雄詞警句談池北軼
事遺聞紀海東備攷來今搜往古兼彰子孝表臣忠休嫌
野史稗官業孫盛陽秋載筆同

癸酉冬至前四日天台齊拙民未是稿

甯海漫記卷一

盤溪干人俊著

台詩四錄選載吾邑元人詩僅葉祖相題牧牛圖一首而
余最愛其老牧人禿兩髻露肘赤脚卧牛背山風吹面仰
天嘯長聲歇短歌繼爾形疲羸爾牛肥橫波輭草日暮歸
不曾五羊皮白粥不曾短布衫長袂幾句描寫牧牛情景
幽絕峭絕勝朱元晦所題唐人暮雨牧牛圖多矣葉字石
泉元隱士

楊秉鑑字鏡吾縣西栢湖洋人清光緒十五年舉人余時
欲搜其遺稿了不可得僅得其登蝦岫觀潮云瀾七漫七

甯海漫記

卷一

一

漸七平茫茫一片光如紙岩邊陡覺腥風嘶層波倒捲與
山齊船輕直似鴛鴦浴剗然一聲布帆撕從高觀者驚欲
叫舟子翻從舟裏笑題石鏡精舍圖云空有講堂留遜志
已無書策振清音寒泉月浸長嗚咽修竹風來自嘯吟觀
潮章描寫如畫石鏡首則淒楚不勝皆可愛也石鏡精舍
在西南三十五里石鏡山明童伯禮建爲方孝孺講學處
有明一代品學無出方正學先生者而受禍亦最慘後人
有謂先生持正太過以一語禍及八百七十三人非仁者
之所忍爲殊非確論乙丑夏偶讀天台齊周華金陵述遊
見有力闢眾議之說余頗愛之文云不知爲臣死忠乃人

人性分事也彼田橫之五百人一時同刻於海島豈田橫
波累強迫耶維時因文皇劫以九族狼語故不得不有十
族狼對騎虎之勢然也昔項王欲烹太公高帝曰幸分我
杯羹豈不更忍於十族之語哉亦勢所不得不然耳使竟
烹太公又奈之何耶甯云子也甘烹其父耶况此八百七
十三人熏陶已久忠貞貫日而陽九百六劫數相遭又安
知正學凌遲之後其不爲田橫之五百人也立論精卓壓
倒羣議洵足表彰忠烈矣

余家有一園曰梅園爲先伯父與吾父所築其地廣約十
畝中有樓房七楹上爲聽松樓下爲謙受益堂七後有軒

甯海漫記 卷一

二

曰凝靜雜蔣四季花木堂左有屋曰桂子落滿廬蓄古今
秘笈書畫東北隅栽竹爲籬遍植佳果而以梅爲獨多桃
李次之更北依山麓有一茅亭曰暗香四周環拱老梅五
六本皆百年物亭後有桂一株每歲能開花結子乃園之
幽勝處也乙丑秋前知事李泚贈有聯云寒月清霜喜神
譜集暗香疏影處士風情同時緜城明經葉一舟桐封亦
有聯云梅妻鶴子林逋宅園菊徑松陶令家李聯妙在後
葉聯順在前然均不及前北京大學國學教授象山陳漢
章先生所撰勝他紅紫萬年清高如抗松筠節過了青春
一半爛漫重看桃李花之自然逸致也

宋鄉賢舒岳祥學者稱閩風先生宋亡流寓奉化榆林與戴表元相友善表元先避地雁蒼與岳祥和詩最富其次韻答寄閩風舒先生詩云聞說鄉巖老風情不減前菊盤秋熟蠨竹枕晚涼蟬碑碣僧頻謁詩囊客自編梅花紫溪路一別又三年詩載剡源鄉志寓賢傳

宋鄉賢劉莊孫先生亦曾流寓榆林戴表元次韻劉正仲至寶山不值主人而去云日日松間過客稀詩成忽在水雲西何人夜榻愁聽雨無數春船倒上溪燕笋出時斑豹美鳳花開處杜鵑啼東歸更踏來時路醉筆山牆取次題詩載剡源鄉志藝文中二戴表元字帥初奉化榆林人有甯海漫記卷一

三

剡源集三十卷入四庫全書

小學弦歌教忠類錄尤侗明史樂府二十首而十族刑尤爲余所愛誦方先生小韓子高皇帝稱莊士者其才輔少主革除年間枋國是制作紛七亦徒爾金川門破鼓聲促闕下麻衣來慟哭爲問成王安在哉周公之過誠難贖頭可斷兮詔不草萬死自甘湛十族哀哉八百七十人併命乃成先生名走訴高皇帝聞之亦震驚朕誅胡藍百萬黨未嘗設有十族刑奈何辱我方先生表彰忠貞敘述明晰可當正學先生傳贊讀

台郡名宿金文田性山先生自民國成立後隱居不出講

學家鄉所著譽謬堂詩稿有寧海道中四律余頗愛之爰
盡錄出聊以自娛而兼餉閱者筭輿衝雨過松門嶺上千
盤積翠痕棧石梯天藤挂壁懸崖斷岸樹翻根夕陽鳥背
紅千里炊影人邊白一村山勢怒濤爭赴海亂雲東逐去
如奔早晚鞭絲爲底忙每隨疎柳拂寒塘高低雁影山城
月來往雞聲野店霜金礦開餘沙磔盡海潮沒後稻田荒
民窮財匱知何極况復官鹽價日昂疾風勁草歲寒姿異
代相望得導師廉恥肯將生死易綱常要爲古今持祠堂
未拜方正學人物先思葉鎮之滿地霜黃秋後葉空餘寒
鷓噪枯枝北風捲地怒寒號濁酒杯中感慨勞近市魚蝦
甯海漫記

卷一

四

珍比玉叢山寇盜雜於毛鷲惶海國煙塵滿淒切城闐鼓
角高昔日秦人應避此仙源重認武陵桃海潮寇盜二語
寫盡民間痛苦食肉者見之能無動於心乎

甯海著名詩人唯晚宋舒嶽祥先生一人明儒方正學先
生雖亦有詩但以文著不以詩傳清代王吉人詩才天成
著述宏富然亦非當時大家也丁卯冬余以所吟盤溪草
呈鄉先生章一山太史剛政閱五日先生寄讀盤溪草一
文有語云甯海詩人惟晚宋舒闓風先生爲當時大家明
初方正學先生盡稱許觀我生之詩而其集不傳清代雖
有數家而未臻極詣觀此則更瞭然矣舒岳祥字景薛縣

北岑口人寶祐四年進士官終承直郎著有詩文二百二十卷今僅存閩風集十二卷由章一山太史自四庫全書中鈔出仿宋刊行世

乙丑歲予長縣教育會公餘之暇輒至文寶亭書肆翻閱舊籍一夕主人王君朝瑞出其先父子雲先生所著吾樂軒詩草二卷相示讀之哀如爽梨快如并剪如五公祠云兩朝遺愛殘碑裏幾樹甘棠夕照中清明野遊云燕翦裁花錦鶯梭織柳金感懷云秃筆有愁憑酒遣柴門無客任雲封輓吳蠡舟先生云鞭影背馳冀北馬書聲今作蜀西鶻皆意與言會渾然天成其父大任不及也子雲名夢賚甯海漫記 卷一

五

城東人清邑庠生

慈母石在南鄉馬家山宋鄉賢羅適嘗於此哭母故名今其處題句甚夥而邑人章素一律尤爲余所愛誦有句云綠水漣漪慈母淚秋風蕭瑟去兒讒家七十數字讀之淒楚動人章字虛白清諸生

謝庭芝字紫生東鄉古渡人清同治間諸生著有掃葉山房詩草三卷其詩以豪勁勝古風氣力渾厚格調高古而易水行一篇尤能見其妙詩云歌聲變徵風颼颼佩刀欲歎雙吳鈎憶昔燕丹此送客白衣冠送臨長流秦關百二虎狼險壯士去已無回頭惜哉一擊中庭柱國隨身滅成

荒邱事難逆料敢畏縮七首生劫非寡謀此舉足奪祖龍
魄紛七劍術徒深求成敗論人古所痛奈何書盜貽千秋
我來驅車易水上寒濤蕭颯猶生愁欲起漸離擊悲筑當
時酌酒澆骷髏五七言律對仗工穩神氣疎暢頗似老杜
之作如遊橋頭寺云門鎖回潮冷鐘敲落木殘立秋後三
日作云詩與人分瘦花隨暑共殘獨坐云行踪雙劍共心
事一燈知感興云江山閱短屐風雨賸孤灯遊大屏山云
天吸長潮去風喧萬壑鳴謁岳武穆祠云此日皇輿終北
狩至今大樹尙南枝感懷云落葉無多秋易老以鄉久別
夢難真春日書感云放眼有時空百代著書無意望千秋
甯海漫記

卷一

六

皆沈鬱雄奇吟之不覺心神快然總之吾寧有清一代議
渠獨步浙東名宿褚傳誥九雲先生亦頗推崇之有專咏
謝詩云通峭離奇語率真能將孤管動全神緜城多少談
龍客掃葉山房見角麟其詩之價值從可知矣

甯海光緒志截至光緒二十八年止民國四年夏黃墩丁
廷芳捐資重印百部並將二十九年後之科第五頁表另
印一頁附訂於後其用意誠佳矣丙寅冬余讀一山文存
國朝台州進士詞科特科題名記知一山章棫先生爲光
緒三十年甲辰科劉春霖榜進士由庶吉士授職檢討附
頁以爲譚延闓榜謬矣

讀一山文存國朝台州進士詞科特科題名記知清代進士約三萬名有奇吾台州六縣先後得進士同進士三十有七人六縣中以黃巖十六人爲最多仙居一人爲最少至吾寧海則僅光緒間黃培俊黃和鑾章棧三先生也較諸宋代一百十七名其盛衰足令人感慨不置矣

章廣軒名祖蔭譜名必普縣學增廣生海游人性溫默力學不與人嬉戲其文樸實詩綿遠皆不輕作民國甲寅歲其曾姪孫章一山太史避地青島先生贈五詩有春歸南浦人俱遠天已西傾事可知白日餘生雙短鬢青山到處一疲驢之句其功力之深從可知矣詩見一山文存家四

甯海漫記

卷一

七

君傳

太平林漢佳椒苑著有葵圃存草經其同邑金韶伯樞剛定刊行列入赤城遺書錄其懷方正學先生五言古體得毅字云川岳鍾異人品卓薄王魏節義與文章契懷見風味燕子突飛來北軍紛如蝟鑰啓遜龍孫玉步收還木麻衣入官門文星曲相慰哭聲震殿廷聞者亦歎歎草詔抗莫回秉性夙剛毅擲硯貌至尊十族曾何畏鐵石作肝腸河山壯正氣捐軀存綱常致命棄富貴烈七大丈夫當時誰髣髴南國孤鳳凰斯言豈無謂全章慷慨激昂頗足表揚先賢忠烈後之增輯遜志齋集者可採錄之以入外紀

清代寧海有二女詩人一爲吳茜雲字學素號梅花女史
歲貢懸鰲女一爲鄔藕香舉人龔浩室卒年二十九吳閨
怨云百尺樓前花一溪七香車斷五陵西六橋遙望三湘
月八載空驚半夜雞風急九秋雙燕去雲開四面萬山齊
子規不解愁千丈十二時中兩七唬鄔壽王坦原先生六
十云萬里觀燈佳節六街奏管良辰笑把一枝鳩杖金吾
同去買春二詩新麗細膩氣機流暢可當漱玉詞讀詩見
王起霞挑灯偶錄

方正學裔孫方完魯明末史閣部署爲守戎後爲僧法名
端章常居青龍山雲居寺好吟咏有訪天立和尚詩云聞
甯海漫記 卷一
君幽息地春色晚相尋明月窺虛牖清松落翠陰偶攜花
下杖來聽石邊琴共坐鶯花晚悠然忘古今詩筆清真超
然拔俗詩載金陵詩徵

曾伯祖父諱雲號奇峯清貢生享年八十有四所著詩文
多散佚不傳今僅存未刊殘稿二卷錄其輓嚴節婦黃孺
人云年少嫠居人似玉生涯沒齒操如霜賢傳高行追梁
媛論不忘勞紹敬姜又養心齋池荷茂發招飲納涼云紅
衣帶露濕翠蓋舞風香出水含秋色浚波門晚粧又云不
染淤泥欽入幕彌鮮秋水集爲裳我來欲進愛蓮說君子
花親君子光又云碧筒招飲塵氛脫玉井尋芳逸興多又

七古云一朶向西復向東空堂盡日送香風低光之馨三十里原注漢元帝時鑿池得一低光荷發色異常馨聞三十里懿哉此荷將毋同鷺浴魚翻葩不改爛然雲蒸霞煥彩又夜不安睡拈此寄愁云寥落半生人若夢支離孤枕夜如年又五十初度云心爲多思時夢魔髮雖無病亦華顛俱雅韻欲流風致嫣然

明鄉賢葉伯巨字居升東鄉人以國子生授平遙訓導洪武九年星變詔求直言伯巨上書言分封太多用刑太繁求治太速所言痛切過於賈生書奏下獄死清錢塘陳雲伯有書葉伯巨疏後二絕云分封長策更無倫善處能全

甯海漫記

卷一

九

骨肉恩諫疏朝陳人夕死可憐星變正求言黨論能申事最難沉吟青史惜披肝從文有道真無比容得長沙策治安燕師之大孝孺妻鄭氏及二子中憲申愈先自經死二女投秦淮河死雲伯亦有秦淮弔方正學二女自沉殉節處云靖難兵來怨氣深忠臣奇節盛如林何如正學當年事十族捐生二女沉不應開國誤貽謀辱及妻孥世所尤十里秦淮金粉地獨餘高節重清流二詩樸實沉雄頗足表章忠烈詩見陳著秣陵集

方正學先生祠在城西隅前人所贈楹聯甚夥特彙錄之以餉闕者江陰陳友蓮云百折不回抗節一生拼十族片

言徵信大書八字足千秋江陽朱斗南云爲國忘身何知
十族以文壽世永燦千秋關中張廷云浩氣貫青冥奇節
共台峯並峙孤忠懸白日芳徽與廟貌長新壽春俞化鵬
云有君有臣法三王而制治難兄難弟并十族以成仁楚
南巖正身云一軀可捐十族可移惟茲萬古綱常用以上
酌哲后大節難磨精忠難泯藉此千秋俎豆庶幾仰答大
魂山陰魯燮光云大節凜然五百年至今如昨義并無恙
一十族雖死猶生壽春梁永寧云微言宗孫泗繼往昭來
正學昌明揭日月大義凜春秋成仁致命孤忠葩烈壯河
山又云芳名垂青史廟食表丹心東郡張人崧云三千年
甯海漫記卷一

十

斯文在茲孔曰成仁孟曰舍生一任刀鋸鼎鑊只爭一個
是字八百口見危授命嵇侍中血顏常山舌試看激烈從
容力扶萬古綱常除此九聯外餘皆殘缺不全惜哉

夏樟孫炳離先生號華亭清光緒丙申歲貢生著有抱膝
吟詩草自怡編消閑集等稿均藏家未梓某歲春其長孫
立夫君以先生遺詩一帙寄余讀之清靈流利老嫗都解
亦吾寧之白樂夫也上巳卽事云曲水澄漪泛酒杯何人
乘興不借來浴沂狂士胸襟遠獨對東風笑口開送春云
綠波碧色恨淒_々借江郎好再題燕子也憐春色去
雕梁近日不啣泥遺懷云居處何曾賦竹苞食無兼味只

山肴異書時向他人借佳句曾從古本抄幸少催租門不叩也因賒酒券先交平生自問無長策名利場中一概拋采桑云搆筐墻下夕陽天滿眼濃陰暮晚煙細葉嫩芽須保護留將餘地待三眠蠶婦吟云軋軋機聲澈夜聞中天月色好平分績成新絹償官債仍着來時舊布裙閨情云他鄉作客未曾歸觸緒牽愁淚濕衣怪煞呢喃梁下燕無端對妾故雙飛又云驚心秋色漸將歸心緒如蓬撩亂飛欲寄寒衣無便使夜深也懶製寒衣寒景云日高霜尙白爐冷火難紅牆角梅疑雪檐頭竹弄風七月二十日爲予弧且詩以誌之云竹木成陰環宅舍妻奴團坐話家常

甯海漫記

卷一

十一

城北二畝園主徐履謙先生字撫九清諸生生平胸懷高泊好學工詩曾以經學見知於俞曲園先生亦吾鄉近代績學士也所著有詩草詩話寧海鄉談中西先賢言行錄雜著雜錄家書實求謾言尺牘等其詩曠達清妙多自抒懷抱之作五十初度中二首云入世年半百茫茫百感生雙親寒朽骨二子未成名濟渡悲無楫乘時欲請纓所慚空隻手誰與訂同盟少恨不努力氣質未消融立功悲老驥內顧笑寒蟲俗見脫難盡詩懷窮未工遠遊今已倦小隱學冬烘一時和者百餘鄉先輩如葛產麟葉桐封孫垂棠林培檀袁葆元姜熊張本初徐文和任榕諸先生外籍

如天台褚傳誥寧波陳家錕金華潘錦南昌李當謙九江
楊海珍金陵俞安樂海甯朱克勤貴陽史炎新登王衷海
諸先生均有和章可謂盛矣其長君定濤次君定瀾不忍
其散失彙而訂之名曰五旬酬唱集七尾並附先生六旬
寫懷詩四章錄其二云別墅新開二畝園居非近市少塵
喧一庭春意草常綠三徑秋懷菊尚存生愛幽閑悲懶散
怕經人事謝紛煩栽花種韭自娛樂尤有清風常到門向
平素願已差了只恨無才報所知生世懸匏嗟不食入山
種蕺未爲遲濡毫調墨完文債掃徑焚香讀繫詞天宇茫
茫尙寥濶猶堪容我一棲枝定濤君日本警官學校畢業
江附中時業師也

甯海漫記

卷一

十二

定瀾先生美國南嘉利福尼亞大學經濟碩士余負笈之
閩風里在縣北五十里岑口舒爲南宋詩人舒嶽祥先生
故里其地北依山麓南環小澗風景幽絕癸亥春余過其
地有嶺口道中云綠樹叢中石徑斜炊煙起處有人家尋
詩偶入閩風里桃李嬌春樹七花

吾鄉謂善營生曰經紀畫算余按經紀二字作幹運解語
出於唐高宗賜諸王帛勅曰滕叔蔣兄自能經紀但近人
亦作經濟畫算蓋取日本謂人類用財貨以滿其慾望爲
經濟浪費爲不經濟之意二語同音異義未知孰是又稱

無賴之人曰窮凶極惡考此語出於王莽傳贊滔天虐民窮凶極惡

金陵方亭乃正學先生二十世裔孫方秉彝於民國甲子秋募建以彰厥祖德初固無此一亭七柱鐫聯二一爲牧野高方潞撰語長不錄一曰血染雨花鮮爲痛忠魂埋十族聲淒雲樹勁長留正氣炳千秋然殊不及蘇省長韓國鈞所題表墓之十族殉忠天遺六氏一坏埋血地接孝陵仇繼恆所撰之十族何妨留取精誠光綽楔百步之內故應明合禁樵蘇較爲大雅其地界於正學祠墓之間永甯泉右獨據一峯形勢特異遙與雨花相峙亭下有高座寺

甯海漫記

卷一

十三

舊名甘露卽雲光大師說法故址雨花臺因以得名者也若坐亭中可資曠觀近則全城萬瓦如鱗而城中覆舟鷄籠盧龍清涼諸山或蜿蜒如蚓或羅列如笠遠則長江如線白波流於天際其高聳入雲屏障城外者乃中山墓及明孝陵所在之鍾山方亭之勝盡於是矣

全邑人民生活按地理而論可分四等市城居民多恃營商獲利以養生生活間亦有兼業農工者原野居民賴田疇膏腴專務農業全邑殷實人民多集於此山僻居民以地味磽瘠生計多艱窘幸賴桑麻竹木之利亦足以自給至於沿海居民則多恃網罟之利以爲生而操航業者亦復

不少

義井位治東百步相傳有義士馬子同者拾方氏罹族禍骸骨悉投於井以身殉之歷久其水常赤萬歷間吳台萊建亭其上題其額曰義井忠泉後亭廢井塞湮沒不傳知者絕鮮民國初耆紳袁葆元等募資築亭復其舊觀某歲秋邑人葉桐封題有詩云遜國忠臣氣節崇一朝十族盡遭凶淫刑誰似燕王棣高義尤難馬子同此日清流捐薄命千秋碧血映長空芳名寧愧田橫客萬里人悲五夜風同時余遊其地亦有詩云人以義而死井因義得名凜然存正氣寂一一泉清然不及葉詩之悲壯蒼涼愴然欲涕

甯海漫記

卷一

十四

矣

民間歌謠邑志不載特採集之以供濫觴大蛇欺小蛇小蛇欺蛙蟆蛙蟆欺蚱蜢蚱蜢欺稻花言有強權無公理也五月搗水洞六月斷雨種七月請老龍八月采稻桶言天下雨失候也七月半蚊蟲施打鑽八月八蚊虫大如鴨九月九蚊蟲蹬搗白言蚊蟲生長出沒時也月亮亮一大奶歸娘一講心頭肉爹講是盤花哥一說我離千家嫂一說我敗娘家沒吃哥一飯勿着嫂一衣買把花扇趕金雞金鷄脫落塘花被花眠床花鞋十八雙言姑娘之難處也燕一飛上天天門關飛過山山頭白飛過麥麥頭搖飛過橋

橋上打花鼓橋下娶新婦新婦多少長三間麥屋頂棟樑
新婦多少麥三間堂屋并麥磨以上五則由李弟人訓口
述字音或有出入耳

閬風臺在縣北六十里閬風山上爲宋劉次皋所築有碑
銘存焉今其處題句甚夥而余最喜邑人勞天爵與徐鏞
二首勞詩云空山明月夜獨上閬風臺芳躅今何在孤雲
自去來徐詩云六百年前蹟遺文未劫灰蒼茫誰弔古寂
寞獨登臺飛鳥日邊沒長風天際來碑銘難盡讀席草剔
荒苔勞詩見光緒志徐詩見台詩四錄

甯邑東接象山半島而東南東北則皆際於海故縣北之
甯海漫記
卷一
十五
水如浮溪回浦等皆入蜃海縣東南之水如大溪白溪清
溪海游溪甯和溪中堡溪等皆入五嶼洋

吾邑縣治地三徙太康建於白嶠武德徙於海游至唐永
昌元年始遷廣慶卽今地也其城築於明嘉靖間凡闢六
門東曰靖海西曰登台南曰迎薰北曰拱辰西南曰登瀛
西北曰望闕皆冠敵樓今猶存焉

乙丑秋余過文寶亭書店七主王朝瑞君出其祖大任先
生遺稿數十紙相示閱之神骨清虛吟咏高雅記其和詢
樵題挹翠軒云碧雲初卷綺窗開一片清陰入座來佳樹
葱蘢光欲滴綺花馥郁室同隈映階曲七低芳草貼地微

微淨綠苔除却洞天三十六更從何處避塵埃賦得池塘
生春草云秀逐年華麗豐隨品物呈高低勻雨露深淺共
陶成太簇方吹律勾芒盡茁萌風前青有意水際碧無情
部落蛙堪聽芳菲蝶自縈夜夢偶成云誓海盟山虛往迹
鏡花水月幻深情王大任城東人清邑庠生

天主教初入甯後不肖之徒多依爲護符清光緒間有神
父宋某恃外橫行殘害良民雖邑令亦所不忌癸卯八月
縣北大裏庠生王錫桐激於義憤率眾入城燬焚教堂剗
剖朱腹邑人稱快夏樟孫小亭先生著有王錫桐闢教紀
事本末敘其事甚詳且自題書後云十族殉亡書種絕台

甯海漫記

卷一

十六

山正學屬斯人休云膽氣粗豪甚知是男兒血性真奴數
難逃年建子（教案自庚子年起）鍾靈早覺嶽生申卽今悵望

飄零地我亦英雄淚拭巾嶒峻骨幹本天成詎肯庸庸了

一生毒霧彌漫清世界威風凜冽道干城志研經訓青蘊

敝戊戌庚子君氣懾么麼利劍橫癸卯八月殺朱神我贊

一詞留信史莫將功罪把分平

鄭發字華父號毅齋西塢人寶慶二年進士官至工部尙
書宋龍圖閣直學士霖之弟也立朝多所建白與兄齊名
其寄竹閣芳洲二師云三疏排奸明主聽兩詩送別故人
來便尋老圃歸栽菊欠到孤山說種梅華父勁節於此可

見

國炳奎

（台詩四錄作葛炳奎誤）

字晦叔號煙村西洋人宋紹定

二年進士官慶元司戶參軍宋亡歛蹟家山益究心性理學所著有煙村漫稿人多傳其斷橋云潮來湖面濶天向雨中低健櫓舟生翼飛鳧水作梯余尤愛其登招寶山云招寶亭前眠月蚌皆春臺外舞天吳海聲遠近潮生落雲影去來山有無詩近白話而眼前景物歷歷如繪

台詩四錄黃巖王舟瑤所輯全書一千六百五十五家詩五千六百首分二十九卷專補續戚學標三台詩錄宋世舉台詩三錄而別爲四錄上起宋元下訖清光緒惟戚宋

甯海漫記

卷一

十七

諸錄所已見者則不復及焉吾甯先輩詩被收拾者除名媛方外七共九十三家居六縣爲最少且十分之一各存一首或二首而已蓋吾邑歷朝文獻無徵卽先輩有所作亦年湮代遠散佚不傳曷勝傷感

張俊三字琴舟清光緒間邑諸生編有幾何畫教科書瞿文慎公督學江左曾聘其校文黃巖進士管德輿世駿所著茶篔吟草外編有琴舟送管德輿內翰改官嚴州詩四章其一云萬卷羅胸味盎然堆牀猶自記當年（君有年七歲七一牀書小印）吳山越水途千里淮北江南話一船徒有盛情思折柳媿無錦句效題箋富春灘畔優游日

莫惜音書旅雁傳一種深情句七從肺腑中流出

僧西雨字焦隱邑之壽甯寺僧著有雲響詩鈔二卷王敦序其集有語云其清也如孤鶴唳空衆鳥皆寂其健也如驚濤夜至舟楫爲摧其秀也如海外奇峯嶙峋玉立時而雲鬢翠黛時而古服勁裝時而異采奇葩時而寒巖枯樹可以怡情可以遣興可以參禪雖卷帙不多已足令人傾倒游永樂寺云探幽來古寺地僻路還通塵世隔天外溪山疑畫中僧歸三徑月鐘吼一林風此夕禪關內清談百慮空野望云幾日掩關坐春光歷歷遷鳥唳雲外樹花落雨中天得句情何限扶筇興渺然晴皋初極目樵爨起寒

甯海漫記

卷一

十八

煙重游多寶寺晤如海上人云懸崖開遍杜鵑花舊侶重逢興倍賒草閣焚香談往事竹爐添火煮新茶一聲啼鳥春將暮十里炊煙日漸斜昔別分明原有約不須相對問年華又佳句云談劇灯花落詩成漏箭稀夜冷花長睡煙深柳共愁影傍秋燈瘦窗延夜氣涼榻侵殘夜月灯受破窗風七翻紙帳開還合雲擁茅簷去復來淡冶白雲橫碧落蕭騷黃葉點蒼苔皆句斟字酌描寫入微妙絕

前知事王寶謙專以狐媚手段連絡地方紳士凡城鄉間之出頭露角者無不與之應酬敷衍體貼入微使人心悅神迷而入彀中故當時有縣署妓院之誚某年夏某管冊

員以爭訟將革職徐紳與蔡紳先後進索之於王並許之
鄔紳聞而再索之又許之俗語云一女許兩郎王知事直
以一女許三郎矣不得已乃再革二管冊員以應三人之
要求卽此可見其一班矣節錄甯海旅杭月刊

甯上徐士琛子珍自象山至甯海途中口占云陟嶺憂危
險肩輿欲倒拖高低田畫野深淺水滌波樵徑穿雲細猿
家蔽竹多昔年避兵燹挈眷此經過又云甯家此分界西
溪第一峯石危疑伏虎路曲若蟠龍墟里孤煙合山巔積
雪封歲除歸計急行李正慙已皆雅韻悠然有放翁風味
詩見先生自著綠滿廬詩存中

甯海漫記

卷一

十九

城東王君朝瑞以其先父夢賚先生所作甯海竹枝詞三
十首相示誦之皆白描工筆不假借字面亦吾邑一掌故
也錄其二首云元宵演劇到春殘乘興何妨日日觀其道
經年辛苦甚三時工作一時歡按吾寧正月十五謂元宵
市廟里社結彩張灯演劇敬神至二十日乃止柴株編襖
語猶新淪茗圍爐結比鄰家道雖貧身卻貴燈臺名喚竹
夫人蓋吾鄉磽确之處灯臺多竹製成故呼竹夫人柴株
棉襖一語意卽燒柴株以禦寒也章一山先生在緜城掌
教時曾題其後云治春一曲王司寇駕水百篇朱老人南
北兩宗世稱絕年來瀕海有傳薪登高曾訪閩風臺晚宋

詩人號巨魁今日依稀南渡後擲金珍重賦天台
雙溪在寧海縣北七十里裏塢村明河南道監察御史張
岵聞建文祚移孝孺禍慘白溺雙溪門鷄潭而卒事詳浙
江通志乙丑秋余過其地有鬥雞潭畔偶徘徊回首當年
風雨哀千載雙溪嗚咽水湯匕東去不歸來一絕紀其事
詩之工拙非所計也

余村前有水曰盤溪盛產細鱗魚名曰香魚捕而焙乾之
以作羹湯鮮美絕倫亦吾鄉之特產也邑志藝文外編徐
恕有句云何事秋風鱸鮓尾芳鱗三寸是香魚其爲上品
可想見矣

甯海漫記

卷一

二十

浙江人口密度據民國九年郵局統計平均每方英里得
六百八十八人密度之高居全國第二僅亞於江蘇統計人口稠
密之地杭縣東北之膏腴沃野爲最次推沿海一帶而沿
海一帶以吾寧密度爲最低每方英里人口在一百以上
二百五十以下較諸沿海人口密度最高之甯波太平二
處（每方英里人口在二千以上）誠有天壤之別矣見張其昀編浙江
省史地結要浙江人口密度圖

